

No artigo 12º.2 do referido anexo I da orde, establécese que, en caso de que se produza algunha renuncia, o órgano de resolución da convocatoria poderá adxudicar a axuda aos solicitantes da lista de espera, sempre e cando a renuncia se produza dentro do prazo dos nove meses a partir da data de resolución. O substituto quedará suxeito ás mesmas condicións e polo tempo restante do aproveitamento da axuda. En ningún caso o período correspondente á substitución poderá rematar máis alá da data xeral de finalización indicada para os contratos na correspondente resolución. Igual contido se reflicte no artigo 12º.2 do anexo II, e no artigo 12º.2 do anexo III da orde de convocatoria.

Moitos beneficiarios destes programas de formación de investigadores solicitaron tamén as axudas para bolsas e contratos dos programas de formación do Ministerio de Ciencia e Innovación. A diferenza doutros anos, neste exercicio, a resolución destas axudas estaís prodúcese nun momento no que impide o funcionamento previsto do sistema de substitucións regulado no referido artigo 12º.2 dos anexos I, II e III da referida orde de convocatoria, polo que, co fin de viabilizar este proceso de substitucións por renuncia, procede modificar estes preceptos da orde de convocatoria.

Consecuentemente con todo o anterior, o conselleiro de Economía e Industria en exercicio das facultades que lle confire o artigo 34 da Lei 1/1983, do 22 de febreiro, de normas reguladoras da Xunta e da súa Presidencia, modificada parcialmente polas leis 11/1988, do 20 de outubro; 12/1989, do 4 de outubro, e 2/2007, do 28 de maio,

DISPÓN:

Artigo único.-Modifícanse no artigo 12.2º do anexo I, no artigo 12º.2 do anexo II, e no artigo 12º.2 do anexo III da orde da Consellería de Economía e Industria do 24 de setembro de 2009 (DOG do 25 de setembro), os prazos establecidos de nove meses a partir da data da resolución para os efectos de que as renuncias poidan dar lugar ás substitucións.

Os artigos sinalados quedan redactados do seguinte xeito no parágrafo afectado:

«2. En canto ás substitucións, no caso de que se produza algunha renuncia, o órgano de resolución da convocatoria poderá adxudicar a axuda aos solicitantes da lista de espera, sempre e cando a renuncia se produza dentro do prazo dos once meses a partir da data de resolución. O substituto quedará suxeito ás mesmas condicións e polo tempo restante do aproveitamento da axuda. En ningún caso o período correspondente á substitución poderá rematar máis alá da data xeral de finalización indicada para os contratos na correspondente resolución».

Disposición derradeira

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 5 de novembro de 2010.

Javier Guerra Fernández
Conselleiro de Economía e Industria

CONSELLERÍA DE EDUCACIÓN E ORDENACIÓN UNIVERSITARIA

Orde do 8 de novembro de 2010 pola que se amplía o prazo para xustificación de gastos previsto na Orde do 25 de xuño de 2010 pola que se anuncia a convocatoria para a presentación de proxectos de fomento do uso do galego dos centros de titularidade pública de Galicia que imparten ensinanzas regradadas de niveis non universitarios, para o curso escolar 2010-2011.

Na base 16, xustificación de gastos, da referida orde establécese como data límite para entrega das facturas correspondentes ao último cuadrimestre de 2010 e con cargo as cales se pagará o anticipo do 25% o 15 de novembro de 2010.

Para garantir o cumprimento da orde, e ao non ser posible a publicación da listaxe de concesión de axudas con tempo suficiente para os centros poderen xustificar os seus gastos no prazo inicialmente establecido e dado que non se causa prexuízo a terceiros procede ampliar o referido prazo.

En uso das facultades que me foron conferidas pola normativa en aplicación

DISPOÑO:

Artigo único.-Ampliar o prazo previsto no parágrafo segundo da base 16, referido á entrega de facturas correspondentes ao último cuadrimestre de 2010 e con cargo as cales se pagará o anticipo á conta do 25%, ao 11 de decembro de 2010.

Disposición derradeira

Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 8 de novembro de 2010.

Jesús Vázquez Abad
Conselleiro de Educación e Ordenación
Universitaria

Orde do 8 de setembro de 2010 pola que se autorizan, con carácter experimental, os centros plurilingües na Comunidade Autónoma de Galicia, para o curso 2010-2011.

De conformidade co establecido no artigo 16 da orde desta consellería do 30 de xuño de 2010 (DOG do 6 de xullo) pola que se regulan, con carácter experimental, os centros plurilingües na Comunidade Autónoma de Galicia, para o curso 2010-2011, esta consellería

RESOLVE:

Primeiro.-Autorizar os centros plurilingües que se relacionan no anexo desta orde.